



CENTRI CIVILNIH INICIJATIVA  
ЦЕНТРИ ЦИВИЛНИХ ИНИЦИЈАТИВА

**IZVJEŠTAJ O MONITORINGU RADA  
OPĆINSKOG VIJEĆA GORNJI VAKUF-USOPLJE**

**1.1.2021. –30.6.2021.**

## UVOD

Cilj projekta jeste da kroz monitoring institucija vlasti da objektivnu sliku stanja unutar određene lokalne samouprave, odnosno prikaže efektivnost rada, te omogući javni dijalog i mehanizme participacije javnosti (primarno mladih) u donošenju odluka na lokalnom nivou.

Metodologija monitoringa rada jedinica lokalne samouprave, gradova i općina u Bosni i Hercegovini, odnosno u pripadajućim entitetima, daje pregled izvora podataka i načina njihovog prikupljanja, kao i njihove obrade, te daje pregled posmatranih i analiziranih parametara.

Prikupljanje potrebnih podataka o radu institucija jedinica lokalne samouprave odvija se kontinuirano, od početka aktuelnog mandata, za prvih šest mjeseci.

Podaci o radu institucija vlasti prikupljaju se na dva načina. Kroz zvanična dokumenta, preuzimanje podataka iz javno dostupnih dokumenata (kap što je budžet, izvještaj o radu i sl.), te slanjem ZOSPI (Zakon o slobodi pristupa informacijama) obrazaca. Ali i neposrednim praćenjem sjednica lokalnih parlamenata. Prikupljeni podaci će se u kontinuitetu unositi u predviđenu on line bazu.

### **OPĆINSKO VIJEĆE TREBA DA RAZMATRA MJERE OD SUŠTINSKOG ZNAČAJA ZA GRAĐANE, ALI I DA POŠTUJE VLASTITE PROPISE**

#### **SAŽETAK IZVJEŠTAJA**

Kako bi dobili jasan pregled sadržaja monitoring izvještaja, u posebnom poglavlju kreira se sažetak izvještaja. Sažetak izvještaja o monitoringu rada institucija lokalne samouprave kreira se na osnovu kreiranih poglavlja u samom izvještaju, te korištenjem ključnih nalaza iz datih poglavlja, kako bi se dao objektivni prikaz najvažnijih dešavanja u posmatranom periodu.

**OPĆINSKO VIJEĆE NIJE KONSTITUISANO U ZA TO PROPISANOM ROKU.** Općinsko vijeće je konstituisano 09.03.2021.g., što nije u skladu sa rokovima koje propisuje Poslovnik o radu Općinskog vijeća (Članak 24.- Službeni glasnik općine broj 7/13), u roku od 30 dana nakon potvrđenih izbornih rezultata od strane Centralne izborne komisije BiH.

**PET POLITIČKIH SUBJEKATA VOLJOM GRAĐANA PARTICIPIRA U OPĆINSKOM VIJEĆU.** U odnosu na prošli mandat (2016.-2020.) vodeće političke partije SDA i koalicija HDZ BiH i HDZ 1990. su izgubile po jedan mandat, dok je SDP povećao broj mandata sa 2 na sadašnja 4. Pet političkih subjekata je postalo parlamentarno, dok jedna politička partija (DF) nije dobila ni jedan mandat, a nova politička partija NIP je dobila jedan mandat u ovom sazivu Vijeća.

**NOVOIZABRANI GRADONAČELNIK PREUZE MANDAT BEZ PREDSTAVLJENOG EKSPOZEJA JAVNOSTI.** Iako ekspoze ne predstavlja zakonsku obavezu, statutarnu ili poslovničku, zbog visokog stepena odgovornosti koja podrazumijeva funkcija načelnika, kao i činjenice da je načelnik bio izabran i u prošlom mandatu, ekspoze je potrebno predstaviti javnosti, građanima općenito, kako bi se upoznali sa pravcima djelovanja i ciljevima u predstojećem mandatu načelnika.

**KONTINUITET NEPOŠTIVANJA PROPISANIH OBAVEZA U LOKALNIM PARLAMENTIMA ŠIROM BOSNE I HERCEGOVINE, POSTAJE PRAVILO, A NE IZUZETAK.** Program rada Općinskog vijeća za 2021. godinu, koji je trebao biti usvojen do decembra 2020. godine, je razmatran i usvojen jednoglasno krajem marta 2021.g., na trećoj redovnoj sjednici OV.

Program rada općinskog načelnika usvojen je takođe sa zakašnjenjem na 4. sjednici održanoj 17.juna. Vrijedi spomenuti jedan od ciljeva u Programu rada a to je završiti izradu Strategije razvoja općine za period 2021.-2027.g.

**NAJVAŽNIJI DOKUMENT – BUDŽET – NIJE USVOJEN U ZA TO PROPISANOM ROKU.** Budžet Općine usvojen je 30.03.2021. godine, na trećoj redovnoj sjednici, čime je prekršen član 102. Statuta Općine, koji propisuje da se Budžet za narednu godinu usvaja do 31.12. tekuće godine. Pri tome, osim Statuta, nije ispoštovan ni budžetski kalendar, koji je usvajanje ovog dokumenta predvidio, također, do 31.12.2020. godine.

**PLANIRANI BUDŽET ZA 2021.g. JE BLAGO POVEĆAN U ODNOSU NA PRETHODNU GODINU ZA OKO 171.000 HILJADA KM.** Budžet za 2021.g. je usvojen u iznosu od 6,57 miliona KM, što je u odnosu na prošlogodišnji blago povećan za oko 171.000 KM. Povećani su iznosi za plaće i naknade kao i drugi tekući izdaci, tako da se može zaključiti da su budžeti za 2020. i planirani za 2021. gotovo identični.

**POVEĆANI IZDACI ZA NEPROFITNE ORGANIZACIJE I KAPITALNI IZDACI** U odnosu na prošlogodišnje stanje izdataka planiranim budžetom su povećani izdaci-transferi za neprofitne organizacije za 5%, dok su kapitalni izdaci povećani –planirani čak za 47% i veći su za oko 500.000 KM u odnosu na 2020.g.

**U DOSADAŠNJEM RADU OV NIJE BILO KLJUČNIH POMAČA ZA UNAPREĐENJE KVALITETE ŽIVOTA GRAĐANA.** Identifikacija mjera razmatranih i usvojenih na sjednicama, a koje mogu biti od koristi za građane lokalne zajednice, te unaprijediti kvalitetu života, od ključnog je značaja. Naime, na do sada održanim zasjedanjima nismo mogli identifikovati neke važnije mjere čijom realizacijom bi se unaprijedio kvalitet života građana. Osim usvajanja godišnjeg Plana i programa održavanja lokalnih puteva za 2021.g., većina mjera koje su razmatrane na Vijeću su bile su formiranje komisija, izvještaji o radu javnih ustanova i preduzeća, protokolarne mjere idr.

Vrijedi spomenuti da je krajem juna potpisan Ugovor o izvođenju radova „Rekonstrukcija vodovodne i kanalizacione mreže „-Faza II, u iznosu od 2,9 miliona KM, koji su potpisali načelnik općine i predstavnik Zajednice ponuđača. Rok za završetak radova je 360 radnih dana. Takođe, objavljena je i konačna rang lista za dodjelu 100 stipendija za akademsku 2020./2021.godinu.

**NASTAVLJENA JE SLIČNA DINAMIKA RADA OV KAO U PROŠLOM SAZIVU.** Vijeće je održalo u ovom periodu izvještavanja 4. sjednice (1 konstituirajuća i 3 redovne,), što je u skladu sa dinamikom održavanja istih u skladu sa Poslovníkom i Programom rada OV, koji propisuje održavanje sjednica najmanje jednom u dva mjeseca. Sjednice su dobro pripremljene na sjednicama Kolegija, tako da su završavane u kratkom roku, uglavnom u prosjeku za sat vremena, izuzev 4. sjednice koja je trajala oko 4 sata.

## TRANZICIJA VLASTI


### OSVRT NA EKspoZE

Ekspoze predstavlja najvažnije korake i opće smjernice djelovanja u određenom periodu, u ovom slučaju misli se na predstojeći mandat izabranog zvaničnika (grado/načelnika), koji svoje viđenje provođenja politike i zadatih ciljeva prezentuje lokalnom parlamentu i cjelokupnoj javnosti, te se podrazumijeva da će se istima voditi kroz predstojeći mandat.

Iako ekspoze ne predstavlja zakonsku obavezu, statutarnu ili poslovničku, zbog visokog stepena odgovornosti koja podrazumijeva funkcija načelnika, isti je potrebno predstaviti javnosti, građanima općenito, kako bi se upoznali sa pravcima djelovanja i ciljevima u predstojećem mandatu novoizabranog gradonačelnika. Kako bi predstavili najvažnija obećanja, poruke i mjere od važnosti za život građana u lokalnoj zajednici, analiza ekspozea nije moguća, jer isti nije predstavljen. Po ustaljenoj proceduri novoizabrani načelnik općine Gornji Vakuf-Uskoplje Sead Čaušević je čestitao izbor predsjednika Vijeća, vijećnicima na izabranom mandatu i dao svečanu izjavu o preuzimanju dužnosti Općinskog načelnika.

## SASTAV OPĆINSKOG VIJEĆA GORNJI VAKUF - USKOPLJE

Na lokalnim izborima za Općinsko vijeće održanim 2020.godine u Općinsko vijeće Gornji Vakuf-Uskoplje izabrano je 23 vijećnika. Stranka demokratske akcije (SDA) osvojila je 9 mandata, koalicija HDZ i HDZ 1990 osvojila je 8 mandata, SDP 4 mandata, SBB Fahrudin Radončić 1 mandat i Narod i pravda (NIP) 1 mandat.



Grafikon 1.


Šest od 23 vijećnika/ca, ili 26 % ima ranije iskustvo u obnašanju ove odgovorne funkcije- drugi mandat.

R.br.	Vijećnik/ca	Stranka	Početak mandata	Mandat u Vijeću
1	Alisa Karahodžić	SDA	09.3.2021.	1
2	Emir Milanović	SDA	09.3.2021	1
3	Selvedin Lelak	SDA	09.3.2021	1
4	Armin Zahirović	SDA	09.3.2021	1
5	Majda Duvnjak	SDA	09.3.2021	1
6	Amra Brzika	SDA	09.3.2021	2
7	Nesib Šupčić	SDA	09.3.2021	1
8	Elma Muminović	SDA	09.3.2021	1
9	Nijaz Duratbegović	SDA	09.3.2021	1
10	Ana Novaković	HDZ BiH, HDZ 1990		1
11	Marin Novaković	HDZ BiH, HDZ 1990	09.3.2021	1
12	Goran Batinić	HDZ BiH, HDZ 1990	09.3.2021	2
13	Marinko Krajina	HDZ BiH, HDZ 1990	09.3.2021	2
14	Danijela Jurina	HDZ BiH, HDZ 1990	09.3.2021	1
15	Ivica Žuljević	HDZ BiH, HDZ 1990	09.3.2021	2
16	Franjo Jurleta	HDZ BiH, HDZ 1990	09.3.2021	1
17	Ivo Posavac	HDZ BiH, HDZ 1990	09.3.2021	2
18	Edin Gekić	SDP	09.3.2021	1
19	Kadir Kičin	SDP	09.3.2021	1
20	Amel Hajrić	SDP	09.3.2021	1
21	Naser Karamustafić	SDP	09.3.2021	2
22	Muris Abazović	SBB	09.3.2021	1
23	Kenan Crnica	NIP	09.3.2021	1

**Tabela 1: Sastav Općinskog vijeća Gornji Vakuf-Uskoplje**

Od 23 vijećnika/ca Općinskog vijeća Gornji Vakuf-Uskoplje 6 je žena ili 26 %.

## Spolna struktura Općinskog vijeća u mandatu 2020.-2024.godina




Grafikon 2.

## OSNOVNE INFORMACIJE O RADU GRADSKOG VIJEĆA – dinamika rada

Od 1.1. do 30.6. 2021. godine Općinsko vijeće Gornji Vakuf-Uskoplje održalo je četiri sjednice. Od toga, jedna sjednica je konstituirajuća a 3 su redovne sjednice.

## Sjednice Općinskog vijeća Gornji Vakuf-Uskoplje održane od 1.1.-30.6.2021. godine po tipovima



Grafikon 3.

Sjednice nisu održavane u skladu sa Poslovníkom o radu Općinskog vijeća, kojim je propisano( Član 59.) da se redovne sjednice održavaju najmanje jednom u dva mjeseca. U ovom periodu u martu su održane tri sjednice, a četvrta sjednica sredinom juna 2021.g. Prva i četvrta sjednica su nakon objave otkazane i ponovo zakazane i održane u drugom terminu.

U promatranom razdoblju Općinsko Vijeće Gornji Vakuf-Uskoplje je zasjedalo ukupno 7 sati i 17 minuta što u prosjeku predstavlja 2 sata i 3 minuta po održanoj sjednici. Sjednice su održavane u kontinuitetu, bez prekida tijekom zasjedanja.

Datum	Redni broj sjednice	Tip sjednice	Plan. točaka	Realizirano točaka	Razmatrano mjera	Usvojeno mjera	Trajanje sjednice
09.3.2021	1	Konstituirajuća	11	11	11	11	00:45
09.3.2021	2	Redovna	3	3	3	3	00:40
30.3.2021	3	Redovna	10	10	18	18	02:26
17.6.2021	4	Redovna	15	13	18	16	03:26
Ukupno			39	37	50	48	07:17

**Tabela 2: Pregled osnovnih statističkih podataka o održanim sjednicama Općinskog vijeća Gornji Vakuf-Uskoplje za period 1.1. - 30.6. 2021.godine**

Na održanim sjednicama u proteklom periodu razmatrano je 50,od čega je usvojeno 48 mjera. Razmatranje jedne mjere je skinuto sa dnevnog reda na četvrtoj redovitoj sjednici, dok je još jedna mjera odbijena na istoj sjednici.

Ako zanemarimo prvu i drugu sjednicu, na kojoj je imenovano rukovodstvo vijeća i na kojoj je razmatrano najmanje mjera uočavamo da je najviše mjera razmatrano i usvojeno na trećoj.

Na drugoj sjednici usvojen je Nacrt Budžeta za 2021.godinu i Odluka o privremenom finansiranju za period 1.1.-31.3.2021.

Na trećoj sjednici usvojen je Budžet Općine i Program rada Općinskog vijeća. Na istoj sjednici usvojeno je pet Odluka o prodaji zemljišta i nekretnina, kao i usvojeno Rješenje o imenovanju pet Komisija u koje nisu imenovani predstavnici iz opozicije , na njihov zahtjev.

Na posljednjoj, četvrtoj sjednici usvojen je Program rada općinskog načelnika za 2021.g.

Od mjera koje je razmatralo Općinsko vijeće najviše je odluka, 19 , zatim rješenja 12, a najmanje planova (programa)3.

Od važnijih dokumenata izdvajamo na prvom mjestu Budžet za 2021.godinu i Odluku o njegovom izvršenju te, Programi rada OV i načelnika za 2021.g.

Tipovi mjera	Relizirano
Rješenje	12
Izvještaji	8
Odluka	19
Program	2
Budžet	3
Zaključak	2
Saglasnost	0

Plan	1
Drugo	1
inicijativa	0
<b>UKUPNO</b>	<b>48</b>

**Tabela 3: Realizacija mjera u periodu 1.1.-30.6.2021.godine**

Kako bi unaprijedili, između ostalog i kvalitetu života u zajednici, vijećnici u skladu sa Poslovníkom o radu Općinskog vijeća, mogu postavljati vijećnička pitanja i inicijative. Ukupno su postavljena ????? vijećnička pitanja, dok pokrenutih Inicijativa od strane vijećnika u ovom periodu nije bilo.

## KLJUČNI DOKUMENTI ZA FUNKCIONIRANJE LOKALNE VLASTI

Za uspješno planiranje, provođenje i praćenje politika na svim nivoima vlasti potrebno je blagovremeno pristupiti izradi i usvajanju ključnih dokumenata. Pri tomu je vrlo bitno pratiti zakonodavnu proceduru te dokumente prilagoditi objektivnim mogućnostima kako bi isti bili realizirani u realnim rokovima. Dokumenti ključni za funkcionalan i nesmetan rad institucija svih nivoa vlasti pa samim time i lokalne su Program rada i Budžet za tekuću godinu. Isti moraju biti usvojeni u skladu sa poslovnikom o radu jedinice lokalne samouprave i zakonima koji tretiraju određenu oblast.

Kako bi jedinica lokalne samouprave težila poboljšanju kvalitete života svojih građana vrlo je važno da veliku pozornost obraća i strateškim dokumentima iz svoje nadležnosti. Tu spadaju Strategije i Akcioni planovi koji potiču daljnji razvoj određenih oblasti te utvrđuju prioritete u ekonomskim, društvenim i drugim oblastima. Strategije su alat za upravljanje razvojem jer predstavljaju temelj za donošenje odluka i osiguranje potrebnih resursa za provođenje mjera iz oblasti javnih investicija tj. ekonomskog, socijalnog razvoja.

Akcionim planom se definiraju mjere, programi, projekti i aktivnosti u implementaciji strateških dokumenata, njihov financijski okvir i izvori financiranja. Uloga Akcionog plana je između ostalog i sinergija utvrđenih prioriteta sa godišnjim programom rada i proračunom.

### **PROGRAM RADA OPĆINSKOG VIJEĆA GORNJI VAKUF-USKOPLJE –usvajanje i realizacija**

Godišnji program rada Općinskog vijeća je jedan od ključnih dokumenata kojim se definiraju smjernice za njegov rad i potiče učinkovitost, mjerljivost i transparentnost tog rada. Poslovníkom o radu Općinskog vijeća GVU nije definisan tačan rok za usvajanje godišnjeg Programa rada. I u ovom i u prethodnom mandatu usvojen je u martu tj. u trećem mjesecu godine za koju se donosi.

Program rada Općinskog vijeća GVU za 2021.godinu usvojen je na 3. sjednici Općinskog vijeća održanoj 30.marta 2021.godine. Programom rada planirano je 43 mjera od čega se 14 mjera odnosi na normativni dio , a 29 mjera se odnosi na analitičko-imformativni dio. Dinamika Program rada je podijeljena u četiri kvartala , počevši od januara do decembra 2021.g.

Program rada sadrži utvrđene zadaće, nositelje priprema tih zadaća i rokove u okviru kojih će ih Općinsko vijeće razmatrati. Od 43 planiranih mjera načelnik je predlagatelj kod 11 mjera. Do kraja juna sve planirane mjere iz Programa rada su realizovane, s tim što u prvom kvartalu u januaru i februaru nisu bile sjednice vijeća, tako da su mjere realizovane krajem prvog i u drugom kvartalu 2021.g.



Mjere – tipovi	Realizacija Programskih mjera /broj
Izveštaj	10
Odluka	1
Rješenje	2
Informacije	3
Programi i planovi	3
<b>Ukupno:</b>	<b>19</b>

**Tabela 4:Realizacija programskih mjera**

### TROŠENJE JAVNOG NOVCA - OSVRT NA PRORAČUN

Budžet Općine GVU je prošao svu proceduru donošenja, ali sa zakašnjenjem od tri mjeseca. Nacrt Budžeta je usvojen na drugoj sjednici OV, održanoj 09. marta 2021. Na istoj sjednici je donesena i Odluka o privremenom finansiranju do kraja marta 2021. Kao i zaključak o provošenju Javne rasprave na predloženi Nacrt Budžeta. Prijedlog Budžeta je usvojen je na trećoj sjednici 30.marta sa dvotrećinskom većinom -18. ZA. Opozicioni vijećnici su bili protiv prijedloga.

Budžet je usvojen u iznosu od 6.571.100 KM i u odnosu na 2020.godinu veći je za približno 150.000 KM.

Vrsta prihoda	Iznos (KM)
Prihodi od poreza	3.147.000
Neoporezivi prihodi	1.274.100
Kapitalni transferi	1.450.000
Kapitalni primitci	200.000
Višak prihoda iz 2020.	500.000
<b>Ukupno prihoda</b>	<b>6.571.100</b>

**Tabela 5: Vrste prihoda i iznosi**

Vrste rashoda	Iznos (KM)
Tekući izdaci	4.810.100
(Plaće i naknade troškova zaposlenih)	(1.677.000)
(Izdaci za materijalne usluge)	(1.344.900)
(Tekući transferi i drugi rashodi)	(1.607.300)
(Transferi neprofitnim organizacijama)	(463.300)
Kapitalni izdaci	1.631.000
( Rekonstrukcija i investiciono održavanje)	(1.370.000)
Tekuće rezerve	130.000
<b>Ukupni rashodi</b>	<b>6.571.100</b>

**Tabela 5: Vrste rashoda i iznosi**

Za općinu GVU je karakteristično da se za plaće i naknade za zaposlene potroši oko 25% Budžeta, što je u odnosu na druge općine i gradove velika ušteda budžeta. Analizirajući budžete u posljednjih nekoliko godina nastavljen je kontinuitet jednakih primitaka i izdataka na godišnjem nivou. Iako je budžet usvajan u vrijeme pandemije nije došlo do smanjenja prihoda, bar planiranih, nego čak blago povećanje od nekih 3%. Kapitalni izdaci su ove godine uvećani za oko 500.000 KM u odnosu na prošlu, a samo za rekonstrukciju i investiciono održavanje planirano je utrošiti oko 1.370.000 KM i povećanje je za oko 60% u odnosu na prošlu godinu. Tekući transferi za MZ planirani su u iznosu 125.000 KM, a za isplatu stipendija planirano je 100.000 KM, odnosno za 100 studenata po 100 KM.

## HORIZONTALNA USPOREDBA

Kako bi dali usporedni prikaz teritorijalno administrativnih jedinica lokalne samouprave, sličnih po obimu i strukturi, broju stanovnika i proračunu, prikazaćemo uporedne rezultate rada Općina Gornji Vakuf-Uskoplje i Novi Travnik.

Iznos i struktura Budžeta ove dvije lokalne samouprave su vrlo slični, s tim što je planirani Budžet Novog Travnika manji u odnosu na prethodnu godinu za oko 500.000 KM. Nešto su manji izdaci za rekonstrukciju i održavanje, veći su izdaci za komunalne usluge za oko 250.000 KM.

Broj održanih sjednica OV GVU je manji za jednu sjednicu, Novi Travnik je do kraja juna održao ukupno 5. Sjednica OV.

## USPOREDBA S PRETHODNIM MANDATOM

Ako usporedimo rad aktualnog Općinskog vijeća sa radom u prvih šest mjeseci prethodnog mandata vidljivo je da je dinamika i broj održanih sjednica u prvih šest mjeseci 2017.godine manji kao i dužina njihovog trajanja. Međutim, ako uzmemo u obzir ukupnu dinamiku rada nakon konstituisanja Općinskog vijeća pa do kraja 6. mjeseca 2017.godine vidljivo je kako je prethodni saziv održao prve dvije sjednice još u 2016. godini na kojima su usvojeni Nacrt Budžeta i Programa rada Općinskog vijeća za 2017.g. Do kraja juna prethodni saziv OV je ranije usvojio Budžet općine i održao pet sjednica.

## UČEŠĆE GRAĐANA I JAVNE RASPRAVE

Učešće građana kroz javno dostupne i definirane mehanizme učešća su potrebni kako bi građani kroz javne rasprave koje organizuje lokalna samouprava imali prigodu sudjelovati u kreiranju povoljnog životnog okruženja.

U promatranom razdoblju je održana jedna Javna rasprava o predloženom Nacrtu Budžeta za 2021.g. i to 15.03.2021. Takođe, u ovom periodu organizovan je Javni uvid –Zahtjev za ponovno izdavanje okolinske dozvole MHE Jelići, gdje su NVO, pojedinci i ostali mogli dati mišljenje i komentare na okolinsku dozvolu i uputiti na adresu Federalnog ministarstva okoliša i turizma, kao i uvid u Nacrt izmjena i dopuna Prostornog plana SBK za period 2005.-2025.g.

## PREPORUKE I INICIJATIVE

Poslovnikom o radu Općinskog vijeća GVU nije definiran rok za usvajanje godišnjeg Programa rada, tako da bi jedna od preporuka bila da se donesu izmjene i dopune Poslovniku o radu OV i definira okvirni rok za usvajanje, do kraja tekuće godine za narednu godinu.

Programa rada Općinskog vijeća za 2021.godinu ne sadržava mjere koje se bave pitanjima mladih. S obzirom da su CCI uputili Inicijativu za izradu dokumenta koji će se baviti ključnim pitanjima mladih, naša preporuka bi bila da se u narednoj godini u Programu rada uvrste aktivnosti i mjere za aktivnije učešće mladih u donošenju odluka, kao i plan realizacije mjera iz dokumenta koji bi se trebao realizovati kroz Inicijativu CCI.

Planiranje i donošenje Budžeta za 2022.trebalo bi okončati do kraja tekuće godine i nastaviti praksu usvajanja budžeta na temelju zakona. Programom rada OV za 2021.planirano je da se Nacrt budžeta za 2022.g. usvoji u trećem, a budžet do kraja četvrtog kvartala, tako da je preporuka da se planirana dinamika usvajanja najvažnijeg akta lokalne samouprave u potpunosti poštuje.

Ukoliko postoje tehnički uvjeti sjednice Općinskog vijeća bi se trebale prenositi putem medija.